

ԿՐԹՈՒԹՅԱՆ ԶԱՐԳԱՑՄԱՆ և
ՆՈՐԱՐԱՐՈՒԹՅՈՒՆՆԵՐԻ ԱԶԳԱՅԻՆ ԿԵՆՏՐՈՆ

ՄԱՅՐԵՆԻ
5-ՐԴ ԴԱՍԱՐԱՆ

Գործնական աշխատանք

Մշակող՝ Արմինե Կոստանյան

2021թ.

Գործնական աշխատանք. թատերախաղ
«Գարունաձաղիկը» հեքիաթի բեմականացում

Ուսուցիչը հանձնարարում է տանը 2 օրվա ընթացքում պատրաստվել հեքիաթը բեմականացնելու: Համապատասխան դերաբաշխմամբ դասարանը բաժանվում է խմբերի՝

- *հեքիաթը բեմագրի(սցենարի) վերածողներ,*
- *ռեժիսոր և նրա օգնականները,*
- *դեկորացիաներ պատրաստողներ,*
- *երաժշտական ձևավորողներ,*
- *դերակատարներ,*
- *լրագրող-հանդիսատեսներ:*

Կախված աշխատանքի բնույթից՝ խմբերը, բնականաբար, չեն ունենա նույն քանակի անդամներ: Ուսուցչի օգնությամբ յուրաքանչյուր խումբ պետք է ընտրի իր «առաջնորդին», որը կհամակարգի իրենց բաժին աշխատանքը:

1-ին խմբում ընդգրկվում են տեքստի հետ գրագետ ու վարժ աշխատող երեխաները: Ուսուցիչը հուշում է, որ բեմագիրները կարող են հերոսներ ավելացնել կամ պակասեցնել, այուժեի հետ որոշակի փոփոխություններ կատարել: Բեմագիրները դերային խոսքերն առանձին-առանձին գրում են թղթերի վրա և բաժանում դերակատարներին կամ էլ. փոստով ուղարկում նրանց:

2-րդ փոքրիկ խմբում ռեժիսորն ու իր երկու օգնականներն են, որոնք էլ գոնե երկու անգամ կազմակերպում են բեմադրության փորձը:

3-րդ խմբում ընդգրկվողները նկարելու ձիրք և պատրաստելու հմտություն ունեցողներն են: Ձևավորողներն ազատ են դեկորների չափերի և տեսքի հարցում: Դեկորները կարելի է պատրաստել ստվարաթղթից: Դրանք կարող են լինել ինչպես բնության նկարված տեսարաններ, այնպես էլ պարզապես գունային լուծումներով:

4-րդ խմբում երաժշտական ձևավորողներն են: Նրանք համացանցում փնտրում և գտնում են հեքիաթի տարբեր դրվագներին համապատասխան երաժշտական հատվածներ և ներբեռնում հեռախոսի մեջ: Կարելի է օգտագործել Վիվալդիի, Մոցարտի, Շոպենի ստեղծագործությունները:

5-րդ խմբում հավաքվում են դերասանական շնորհ ունեցողները: Նրանց դեպքում շատ կարևոր է համագործակցային առողջ մթնոլորտում ռեժիսորի հետ ճիշտ աշխատանքը:

6-րդ խմբի անդամները՝ լրագրողները, պետք է հարցեր նախապատրաստեն՝ վերջում մասնակիցներին, նաև ուսուցչին կամ հյուրերին ուղղելու: Նրանք նաև իրենց ընկերների աշխատանքը լուսաբանող 2-3-րոպեանոց տեսանյութ պետք է պատրաստեն:

Նախապատրաստական փուլում ուսուցիչը, հետևելով աշխատանքին և հատկապես երեխաների համագործակցային կարողունակություններին, հարկ եղած դեպքում կօգնի իր խորհուրդներով:

Թատերախաղի ավարտին խմբերը պետք է կատարեն ինչպես փոխադարձ գնահատում, այնպես էլ ինքնագնահատում: Բոլորը միասին պետք է որոշեն, թե ո՞ր խումբն է իր գործը լավագույնս կատարել:

Կարելի է սահմանել խրախուսական մրցանակներ լավագույն անվանակարգերի համար: Ուսուցիչը կառատջարկի, որ կարելի է լավագույններին դիմակներ նվիրել, քանի որ դիմակը և՛ թատրոնի, և՛ հավերժության խորհրդանիշն է: Նկարչական ձևավորում անող խմբին կարելի է խնդրել՝ պատրաստեն նաև ստվարաթղթե մի քանի դիմակ:



Կարելի է սահմանել այսպիսի անվանակարգեր՝

Հավագույն իսրայիլն աշխատանք

Հավագույն դերակատար

Հավագույն մասնակից

Հավագույն «առաջնորդ»